

Aoaoga e uiga i le Papatisoga ma le Faamanatuga i le Mataupu Faavae ma Feagaiga 20

Vaega 1: Tulaga agavaa mo le papatisoga

Faitau le Mataupu Faavae ma Feagaiga 20:37, ma vaavaai mo mea e tataua i se tagata ona fai ina ia agavaa ai mo le papatisoga.

Afai e manaomia, vaai faauigaga mo upu e te le malamalama i ai. Ona lisi lea o agavaa o le papatisoga i le avanoa o i lalo. E mafai ona e toe faaupuina nisi o na upu i au lava upu.

-
-
-
- O le a se mea e te aoao mai nei tulaga manaomia e uiga i le Alii ma Lona naunautaiga mo i tatou?
 - E mafai faapefea ona aoga le manatua o nei tulaga manaomia e tusa lava pe ua uma ona papatisoina i tatou?

Filifili ni tulaga manaomia se lua pe tolu o loo lisi atu i le fuaiupu 37. Talanoa pe mafai faapefea e le taumafai pea lava pea e feiloai ia i latou ona fesoasoani ia te oe e avea atili ai e faapei o le Tama Faalelagi ma Iesu Keriso.

Vaega 2: Tulaga Manaomia pe a uma le papatisoga

Faitau le Mataupu Faavae ma Feagaiga 20:68–69, ma vaai mo faamoemoega o le Alii mo i tatou taitoatasi pe a uma ona tatou papatiso.

- Mai le fuaiupu e 69o le a se mea ua e aoaoina e uiga i auala tatou te faaali atu ai i le Alii lo tatou agavaa i le maea ai o le papatisoina o i tatou?

Mafaufau e maka le fasifuitau “o se savali ma le talanoaga faale-atua” i le fuaiupu 69. E mafai e se tagata ona faaalua “se savali ma le talanoaga faale-atua” e ala i faatinoga, uiga faaalua, ma upu e ogatusa ma le Atua.

- O le a sou manatu o a nisi o mafuaaga e finagalo ai le Alii i tagata o Lana Ekalesia e faaali atu “se savali ma se talanoaga faaleatua” pe a uma ona papatisoina i latou?

Talanoa ia le itiiti ifo ma le tolu ni faataitaiga patino o ni auala e mafai ona tatou faaalua ai “se savali ma se talanoaga faaleatua” i o tatou olaga. E mafai foi ona outou talanoaina faataitaiga o auala na e taumafai ai e faataitai nei mea i lou lava olaga.

Vaega 3: Aai ma feinu i le faamanatuga

Faitau le Mataupu Faavae ma Feagaiga 20:75, ma vaavaai mo faatonuga a le Alii e uiga i le sauniga o le faamanatuga.

- Aisea e te manatu ai e finagalo le Alii ia tatou potopoto faatasi i vaiaso taitasi e aai ma feinu i le faamanatuga?

O fuaiupu 77 ma le 79 o loo i ai tatalo na faatonuina e le Alii i latou e umia le perisitua e tuuina atu pe a faatautaia le faamanatuga. E faafou feagaiga na tatou faia ina ua tatou papatiso ma faamauina, e ala i le sauniga o le faamanatuga. A o tatou taumafai e tausia a tatou feagaiga ma salamo i aso taitasi, e mafai ona tatou lagonaina le faamamaina lava e tasi ma faamanuiga tatou te oo i ai e ala i le papatisoga.

Faitau le Mataupu Faavae ma Feagaiga 20:77 ma 79, vaavaai mo mea tatou te folafola atu ma mea na folafola atu e le Alii pe a tatou aai ma feinu i le faamanatuga. Mafaufau e maka nei folafolaga i au tusitusiga paia.

- E mafai faapefea ona tatou faaalua lo tatou naunau e tauave i o tatou luga le suafa o Iesu Keriso?
- O a nisi o auala e mafai ona tatou faaali ai i le Faola tatou te manatua o Ia?

E faapefea e le sauniga o le faamanatuga ona faaalua ai le alofa ma le alofa mutimutivale o le Faola mo i tatou?